



# Bústaður í berjalandi

**Ú** tgefanginn Hildur Hermóðsdóttir hefur í nógu að snúast á sumrin. Auk þess að stýra Bókaútgáfunni Sölu rekur hún þrjú heimili; í Reykjavík, í Aðaldal og á Snæfellsnesi. Á sumrin fer því töluverður tími í ferðalög á milli þessara þriggja staða.

„Já, þetta er auðvitað mikil vinna en ánægjuleg,“ segir Hildur þar sem hún býður upp á kaffi í stofunni á Hólanesi, sumarbústað hennar og eiginmannsins Jafets S. Ólafssonar, í Aðaldal í Þingeyjar- sveit. Þau hjónin eiga einnig annað sumarhús á Snæfellsnesi í félagi við vinafólkn en lögheimilið er í Reykjavík.

„Það þarf auðvitað að þrifa og slá á öllum þessum stöðum svo vissulega eru verkefni sumarsins næg,“ segir Hildur um leið og hún ýtir til bunta af próföskum sem hún er með til yfirlestrar. „Það er svo gott að lesa yfir handrit herna, mér verður mikið úr verki í friði og ró.“

## EITT MEÐ ÖLLU

Hólanes er 110 fm danskt einingahús sem reist var í landi æskuheimilis Hildar, Árneis, árið 2008. „Við fjölskyldan komum hingað alltaf á sumrin, sérstaklega þegar mamma var á lífi, og sáum alltaf fyrir

TEXTI OG MYNDIR: SNÆFRÍÐUR INGADÓTTIR

okkur að við myndum byggja okkur bústað herna,“ rifjar Hildur upp. „Árið 1980 byrjuðum við að helga okkur þennan reit, sem er í raun gamalt tún, með því að planta hekki í túnjaðarinn en það var svo ekki fyrr en árið 2007 að við keyptum húsið.“ Húsið kemur frá fyrirtækinu EBK og var reist af starfsmönnum þess sem fylgdu því til landsins. „Við heimsóttum fyrirtækið í Kaupmannahöfn og gengum þar á milli sýningarhúsa og urðum strax mjög hrifin. Við vorum búin að skoða ýmsa möguleika en sáum fljótt að þessi létti og bjarti danski still hentaði okkur mjög vel,“ segir Hildur og útskýrir að húsið hafi komið með öllu; gólfefni, kamínu, panel og innréttingum. „Við gátum valið þetta allt á sama tíma sem var mjög einfalt og þægilegt og húsið reis á sex vikum sumarið 2008. Við þurftum aðeins að láta tengja vatn og rafmagn og koma með húsgögn.“

## BERJALAND VIÐ BÆJARDYRNAR

Hildur og eiginmaðurinn eru afar ánægð með húsið. Þar er ekki bara notalegt að dvelja heldur hefur það haldið veðri og vindum í þessi sjö ár sem það hefur staðið á lóðinni.

„Við vorum hrædd um að það myndi leka meðfram þessum stóru gluggum í norðangarranum en það hefur ekki

gerst. Við erum líka mjög ánægð með utanhússklæðninguna sem er úr grófum víði en hann er sagður hrinda betur frá sér og er ekkert farinn að láta á sjá.“

Aðalkosturinn við húsið er þó hversu bjart það er en gólfsíðir gluggar í stofunni hleypa sumarbirtunni inn og gera það að verkum að hægt er að njóta náttúrunnar beint úr stofusófanum. „Ég er hér aldrei eins mikið og ég vildi,“ segir Hildur og dæsir enda er vegalengdin í bústaðinn þannig að ekki er hægt að „skutlast“ þangað. „Við erum hér aðallega yfir hásumarið en ég vil helst koma hingað þegar hægt er að tína ber því það er mikið berjaland herna.“ Því til staðfestingar tekur Hildur fram fulla skál af aðalbláberjum og býður að smakka. „Það eru bláber og krækiber hér allt í kring en ég fer yfir ána og aðeins upp í heiðina ef ég vil komast í virkilega gott aðalbláberjaland,“ segir Hildur sem bæði frystir berin og notar í sultu en hún sýður að meðaltali um 20 krukku á haustin.

## SVEITARÓMANTÍK Á SNÆFELLSNESI

Talið berst að hinum bústaðnum sem þau eiga í Helgafellssveit á Snæfellsnesi en þann bústað nýta þau allt öðruvísi heldur en húsið í Aðaldalnum. „Ég get oft ekki dvalið í Hólanesi mjög lengi í einu



Það er alltaf mikil vinna í lóðinni þó að við höfum reynt að hafa hana sem náttúrulegasta. Áður var maður að planta en núna er maður að klippa og höggva.

▲ Hólanes er danskt einingahús. Danskir iðnaðarmenn fylgdu húsinu til landsins og sáu um uppsetningu á því. Húsið var sett saman á 6 vikum sumarið 2008 og hefur hingað til staðið af sér norðlenskt veðurfar.


► Sumarbirtan flæðir óhindrað inn um stóran stofugluggann á skál með nýttum aðalbláberjum, en gríðarmikið berjaland er rétt við húsið.



vegna vinnunnar í Reykjavík en ég reyni að vera hér samfelld í að minnsta kosti þrjár vikur yfir hásumarið. Maðurinn minn keyrir oft á undan mér hingað og svo tek ég flugið, það er mjög hentugt að hafa Húsavíkflugvöll svona stutt frá. Í húsið á Snæfellsnesi er hins vegar hægt að skjótast í styttri ferðir og þar er yndislegt að dvelja á vorin þegar farfuglarnir eru að tinnast til landsins en ég kys frekar að vera í Aðaldalnum seinnipart sumars. Þó að mér þyki Aðaldalurinn fallegastur allra staða er hvergi fegurra sólarlag en þarna við Breiðafjörðinn.“ Jörðin á Snæfellsnesi heitir Kóngsbakki og eiga þau hana ásamt vinafólki. „Sem unglingur var Jafet, maðurinn minn, alltaf í sveit í

Helgafellssveitinni og hann ber því sterkar taugar þangað. Þegar vinafólkn okkar keypti jörð þar árið 1995 bauðst okkur að kaupa hlut. Við vorum upphaflega þrjár fjölskyldur í því verkefni að gera upp gamla bæinn en erum nú bara tvær. Þetta er gamalt steinhús með þremur burstum, sambyggt íbúðarhús, hlaða og fjós. Það er búið að vinna mikið í húsunum og þetta er allt öðruvísi en þegar við tókum við þessu fyrir 20 árum. Hlaðan var til dæmis með moldargólfi og þaki á henni var hrúnið en þar er nú stór stofa og í gamla fjósinu eru kujur fyrir gesti. Fjölskyldurnar eiga hvor fyrir sig sín svefnherbergi en önnur rými eru sameiginleg. Við eigendur hússins dveljum oft saman þarna sem er





▲ Í húsinu eru tvö gestaherbergi auk svefnlofts. Ekki veitir af því börn og barnabörn hafa gaman af því að dvelja í húsinu.

▲► Hildur tekur gjarnan vinnuna með sér í sumarhúsið þar sem hún segist vinna vel í góðu næði.

▼ Yfirbragð hússins er bjart og létt.

mjög skemmtilegt og svo eru skipulagðar vinnuhelgar. Þetta hefur gengið algvótrúlega vel og aldrei verið neitt vesen. Ég veit að margir eru ragir við að fara út í svona eignarhald með einhverjum utan fjölskyldunnar en í okkar tilfalli er þetta frábært samstarf og margar hendur vinna létt verk.“

#### RÆTURNAR LIGGJA Í AÐALDALINN

Í Aðaldalnum þekkir Hildur hvern hól og hverja þúfu og þar ræktar hún fjölskyldutengslin því systkini hennar eiga öll hvert sitt hús á jörðinni. „Nes er elsta býlið og kirkjustaður. Þar bjuggu móðurafi minn og amma og pabbi og mamma reistu sitt býli, Árnes, út frá því. Yngsti bróðir minn, Hilmar, bjó síðan í Árnesi eftir að pabbi féll frá. Hilmar er látinn en ekkja hans og synir búa nú í Nesi og Árnesi. Hinn bróðir minn, Völundur, byggði sér hús hér við veginn

sem nefnist Álftanes og hús systur minnar nefnist Straumnes. Það lá því beinast við að okkar hús fengi nafnið Hólanes út af hólunum hér vestan við.“ Hildur segir að gestagangur sé töluverður í Hólanesi, ekki síst þegar veðrið er gott, þá séu margir á ferðinni og líti gjarnan við hjá þeim. Hjónin eiga þrjú börn og þrjú barnabörn sem eru líka dugleg að koma í heimsókn en tvö gestaherbergi eru í húsinu auk svefnlofts svo það er hægt að hýsa alla.

#### NÁTTÚRULEG LÓÐ

„Fram að þessu höfum við haft nóg að gera við að koma öllu í stand hér við húsið. Það er alltaf mikil vinna í lóðinni þó að við höfum reynt að hafa hana sem náttúrulegasta. Áður var maður að planta en núna er maður að klippa og höggva. Við klippum hekkid grimmt, sem við plöntuðum upphaflega hér við túnjadarinn, því við viljum ekki missa útsýnið. Svo þössum við líka upp á að

lúpína komi ekki hingað og stingum hana upp um leið ef hún reynir að stinga hér rótum.“ Hildur bendir á blómabeðin en þar eru engin sumarblóm heldur eingöngu plöntur sem fluttar hafa verið úr múnum í kring. „Við viljum halda smá flöt hér við húsið en annars viljum við hafa lóðina þannig að það þurfi sem minnst við hana að gera.“ Hildur segir að henni finnist nóg að sinna garðinum við heimilið í Reykjavík og vilji hún frekar nýta tímann í Hólanesi til gönguferða og í berjatinslu. „Akureyri og Húsavík eru líka innan seilingar svo það er oft rennt þangað. Við tengjumst líka veiðiheimum Árnese og rekstri þess. Maðurinn minn er oft að vinna þar í viðhaldi og einstöku sinnum fylgir hann líka veiðimönnum í veiði. Nú svo tek ég iðulega vinnuna með mér hingað en ég nýt þess að sitja hér og lesa yfir handrit,“ segir Hildur en gefur ekkert uppi um jólabækurnar á ár.

▲ Hildur er eigandi Bókaútgáfunnar Sölu sem sést berlega á bókakosti hússins.

▼ Plöntur úr múnum fylla blómabeðin við húsið.

► Húsið er með stórum og miklum gluggum sem gerir það mjög bjart. Á veturna er gott að kveikja upp í kamínunni ef mjög kalt er í húsinu sem kynt er upp með gólfhita.

Með þrjár eignir sem allar þurfa umhirðu er ljóst að sumarið er nokkuð niðurnjörvað hjá þeim hjónum. Hildur játar því að ekki sé mikið um óvænt ferðalög á sumrin. Vetrartíminn er frekar notaður til utanlandsferða. „Mér finnst það alls ekki óþægilegt að við séum svona bundin, eitt tekur bara við af öðru og mér líður vel á öllum þessum stöðum; í garðinum heima, á Snæfellsnesi og hér í Hólanesi.“ ■

VIÐ ÞÖSSUM UPP Á AÐ LÚPÍNA KOMI EKKI HINGAÐ OG STINGUM HANA UPP UM LEIÐ EF HÚN REYNIR AÐ STINGA HÉR RÓTUM.“

